

## CONSELLERÍA DE CULTURA E DEPORTE

*Corrección de erros.-Orde do 16 de abril de 2009 pola que se declara de interese galego a Fundación Xavier Pousa e se ordena a súa inscrición no Rexistro de Fundacións de Interese Galego.*

Advertido erro na dita orde, publicada no *Diario Oficial de Galicia* nº 79, do venres 24 de abril de 2009, procede realizar a seguinte corrección:

No primeiro parágrafo, onde di: «... pola que se clasifica de interese a *Fundación Xavier Pousa*, ...», debe dicir: «... pola que se clasifica de interese cultural a *Fundación Xavier Pousa*, ...».

## FONDO GALEGO DE GARANTÍA AGRARIA

*Resolución do 29 de abril de 2009 sobre delegación de competencias no vicepresidente e no director do Fondo Galego de Garantía Agraria.*

A Lei 7/1994, do 29 de decembro, de creación do Fondo Galego de Garantía Agraria, coa denominación actual establecida pola disposición adicional quinta da Lei 7/2002, do 27 de decembro, fai unha distribución competencial entre os distintos órganos de dirección, colexiados e unipersoais: o Consello de Dirección, o presidente, o vicepresidente e o director. Pola súa banda, o Decreto 128/1996, do 14 de marzo, que desenvolve a Lei de creación específica, máis polo miúdo, a repartición competencial entre aqueles órganos.

Polo que atinxe ao presidente, este configúrase como o máximo órgano unipersoal executivo, dado que lle corresponden, entre outras funcións, a representación do organismo en toda clase de negocios e actos xurídicos, exercendo no seu nome accións e recursos.

Por outra banda, as facultades de xestión ordinarias, así como a xestión administrativa e do persoal, atribúenselle ao director, de acordo co disposto no artigo 8 da devandita lei.

Posto que o presidente do Fogga é, por razón do seu cargo, o conselleiro do Medio Rural, a concentración de funcións no titular da consellería incrementadas recentemente conforme o Decreto 83/2009, do 21 de abril, aconsella que certas facultades que ao presidente do organismo lle atribúe a Lei 7/1994, así como o Decreto 128/1996, do 14 de marzo, sexan obxecto de delegación. Por iso se atribúe o exercicio destas ao seu director para, deste xeito, axilizar a tramitación e resolución dos expedientes, o cal, sen esquecer o debido respecto aos principios informadores da actividade administrativa e sen menoscabo das garantías xurídicas establecidas, redundará en beneficio tanto da Administración como dos propios administrados. No entanto, en

virtude do disposto no artigo 13.2º c) da Lei 30/1992, do 26 de novembro, de réxime xurídico das administracións públicas e do procedemento administrativo común, non se pode delegar no director do Fogga a resolución dos recursos administrativos de alzada que se presenten contra resolucións ditadas por este, polo que a dita competencia queda encomendada por esta orde ao vicepresidente do Fogga.

Na normativa orgánica do organismo a facultade do presidente para delegar as funcións que ten atribuídas no vicepresidente e no director do organismo recóllense tanto nos artigos 7.4º e 8º f) da Lei 7/1994, do 29 de decembro, como nos artigos 13.3º e 4º e 14.2º i) do Decreto 128/1996, do 14 de marzo, que a desenvolve.

Por esta razón, facendo uso das facultades que me confire o artigo 13 da Lei 30/1992, do 26 de novembro, en relación co previsto nos artigos 7.4º e 8º f) da Lei 7/1994, do 29 de decembro, así como nos artigos 13.3º e 4º e 14.2º i) do Decreto 128/1996, do 14 de xaneiro, e demais disposicións de xeral aplicación,

### DISPOÑO:

Primeiro.-Delegar no vicepresidente do Fondo Galego de Garantía Agraria a competencia do presidente para resolver os recursos administrativos de alzada e de revisión, cando a facultade de resolución lle corresponda ao presidente, e mesmo suspender a execución dos actos impugnados.

Segundo.-Delegar no director do Fondo Galego de Garantía Agraria as seguintes facultades do seu presidente:

- a) A representación do organismo en toda clase de actos, convenios e negocios xurídicos.
- b) As funcións que, como órgano de contratación, lle competen a aquel segundo a normativa vixente.
- c) O exercicio do toda clase de accións, reclamacións e recursos en nome do organismo.
- d) A resolución das reclamacións previas ao exercicio de accións civís ou laborais.

Terceiro.-As resolucións administrativas que se adopten facendo uso das delegacións contidas nesta orde farán constar expresamente esta circunstancia e consideraranse ditadas polo presidente do Fogga.

Cuarto.-En calquera momento, o presidente do Fogga poderá reclamar o exercicio das competencias que son delegadas por esta resolución. Do mesmo xeito, esta delegación será revogable en calquera momento e deberá publicarse no *Diario Oficial de Galicia*.

Quinto.-En todo caso, quedan excluídos desta delegación os supostos previstos no artigo 13, números 2 e 5 da Lei 30/1992, do 26 de novembro, de réxime xurídico das administracións públicas e do procedemento administrativo común, na redacción dada a este pola Lei 4/1999, do 13 de xaneiro.

Sexto.-En caso de ausencia ou enfermidade do director do Fogga, as atribucións contidas na presente resolución quedarán encomendadas ao vicepresidente do Fogga, durante tempo en que persistan as mencionadas causas.

*Disposición derradeira*

Esta delegación producirá efectos desde o mesmo día da súa publicación no *Diario Oficial de Galicia*.

Santiago de Compostela, 29 de abril de 2009.

Samuel Jesús Juárez Casado  
Presidente do Fondo Galego de Garantía Agraria

## IV. OPOSICIÓN E CONCURSOS

### CONSELLERÍA DE PRESIDENCIA, ADMINISTRACIÓN PÚBLICAS E XUSTIZA

*Orde do 27 de abril de 2009 pola que se anuncia convocatoria pública para a provisión, polo sistema de libre designación, dun posto de traballo vacante nesta consellería.*

De conformidade co establecido no artigo 29.2º do Decreto lexislativo 1/2003, do 13 de marzo, polo que se aproba o texto refundido da Lei da función pública de Galicia, e no artigo 16 do Decreto 93/1991, do 20 de marzo, polo que se aproba o regulamento de provisión de postos de traballo, promoción profesional e promoción interna, e no uso das atribucións conferidas polo artigo 17.4º da mesma lei, esta consellería

**DISPÓN:**

Primeiro.-Anunciar a convocatoria para cubrir, polo sistema de libre designación, o posto de traballo que se indica no anexo I desta orde.

Segundo.-Poderán concorrer a ela os/as funcionarios/as de carreira que reúnan as condicións que para o posto de traballo se sinalan no anexo I.

Terceiro.-As solicitudes para participar nesta convocatoria presentaranse no rexistro xeral da Consellería de Presidencia, Administracións Públicas e Xustiza (edificios administrativos de San Caetano, 15771 Santiago de Compostela), nas súas delegacións provinciais ou nas oficinas previstas no artigo 38 da Lei 30/1992, do 26 de novembro, de réxime xurídico das administracións públicas e do procedemento administrativo común, no prazo de 15 días contados a partir do seguinte ao da publicación desta orde no *Diario Oficial de Galicia*, segundo o modelo que se inclúe como anexo II.

Cuarto.-Os/as aspirantes deberán unirlle á petición un *curriculum vitae* xustificando documentalmente os méritos que aleguen.

Quinto.-No caso de que resulte seleccionado/a para ocupar o posto de traballo que se relaciona no

anexo I desta orde un/ha funcionario/a con destino noutras administracións públicas, tramitarase o seu traslado a esta comunidade autónoma conforme o artigo 67 do Real decreto 364/1995, do 10 de marzo, e as demais disposicións concordantes.

Sexto.-A resolución desta convocatoria farase pública no *Diario Oficial de Galicia* e poderá declararse deserto o posto de traballo, de considerarse oportuno.

Sétimo.-O prazo de toma de posesión será de tres días hábiles se o destino anterior radica na mesma localidade do novo, e dun mes se radica en localidade distinta ou comporta o reingreso ao servizo activo.

O prazo de toma de posesión empezará a contar a partir do día seguinte ao do cesamento, que se deberá producir dentro dos tres días hábiles seguintes ao da publicación da resolución no *Diario Oficial de Galicia*, ou desde a data en que se comunique a resolución do traslado á comunidade autónoma para o caso doutras administracións públicas.

Se a resolución comporta reingreso ao servizo activo, o prazo de toma de posesión deberá computarse desde o día seguinte ao da publicación da resolución no *Diario Oficial de Galicia*.

Oitavo.-Contra esta orde, que esgota a vía administrativa, os interesados poderán interpoñer recurso potestativo de reposición perante o conselleiro de Presidencia, Administracións Públicas e Xustiza, no prazo dun mes contado desde o día seguinte ao da súa publicación no *Diario Oficial de Galicia*, de conformidade co establecido na Lei 30/1992, do 26 de novembro, na súa nova redacción dada pola Lei 4/1999, do 13 de xaneiro, ou poderán impugnalas directamente perante o xulgado do contencioso-administrativo competente no prazo de dous meses contados a partir da mesma data, segundo o establecido na Lei 29/1998, do 13 de xullo, reguladora da xurisdición contencioso-administrativa.

Santiago de Compostela, 27 de abril de 2009.

Alfonso Rueda Valenzuela  
Conselleiro de Presidencia, Administracións  
Públicas e Xustiza

**ANEXO I**

Código do posto: PR.C02.00.003.15770.001.

Denominación do posto: vicesecretario/a xeral.

Grupo: A.

Nivel: 30.

C. específico: 19.387,16.

Corpo ou escala: xeral.

Adscrición admóns. públ.: A11.

Formación específica: 640.

Dependencia: Vicesecretaría Xeral.

Localidade: Santiago de Compostela.

Código-descrición doutras administracións:

A11: adscrición indistinta a funcionarios da Xunta de Galicia, Estado e CC.AA.

Código-descrición das formacións específicas:

640: para persoal doutra administración, curso de perfeccionamento de galego (R.I.).